

Chìnjíp Anhiòh

4 Kijian chìnjíp SiōngChú ê anhiòh ê èngún iûgoân chûnchâi, lán tiòh chûn kèngùi ê sim, biántit lín tiongkan kiámchhái ũ lêng ē tit bē tiòh chitê èngún. ² Hokim ũ thoân hō lán, tú chhinchhiūⁿ thoân hō in ê kàngkhoán; chóng sī, in só thiaⁿ ê sìnsit tùi in bô līek, inūi thiaⁿ ê lêng bô ēng sìnsim lâi niásiū. ³ Lán chiahê ũ sìn ê lêng, ē tàng chìnjíp SiōngChú só siúⁿsù ê anhiòh. Tú chiàu I só kóng ê:

Góa tī siūkhì tiong chiùchōa kóng:

In choàttùi bē tàng chìnjíp Góa ê anhiòh.¹⁴

Kísit, tùi chhòngsè ílâi, SiōngChú ê kangchok íkeng oânsêng. ⁴ Koanhē “tē chhit jít”, kengtián ũ chitê sóchâi áne kóng:

Tī tē chhit jít,

SiōngChú soah I itchhè ê kangchok lâi anhiòh¹⁵.

⁵ Kàng chit hāng tāichì I ũ koh kóng:

In choàttùi bē tàng chìnjíp Góa ê anhiòh.¹⁶

⁶ Hiahê chìnchêng thiaⁿ tiòh hokim ê lêng, inūi m̄ sūnhók, tísú bē tàng chìnjíp anhiòh, sói SiōngChú tòh ũi kitha ê lêng póliū chitê anhiòh. ⁷ Chin kú íau, tī Tabit ê chheh ũ kichài: SiōngChú koh lēnggōa siattēng chit jít, kiòchò “kin’ájit”, tú chhinchhiūⁿ téngbīn só kóng ê:

Kin’ájit lín nā thiaⁿ tiòh SiōngChú ê siaⁿ,

tòh m̄ thang ngē lín ê sim.¹⁷

⁸ losiúah nā ũ hō jīnbīn tit tiòh anhiòh, SiōngChú āu lâi tòh bē koh kóng khí pàtè jitchí. ⁹ Áne khòⁿ khí lâi, SiōngChú ũ ũi I ê chúbīn póliū chitê Anhiòhjit thang anhiòh. ¹⁰ Inūi chìnjíp

進入安歇

4 既然進入上主 ê 安歇 ê 應允猶原存在，咱 tiòh 存敬畏 ê 心，免得 lín 中間 kiámchhái 有人 ē 得 bē tiòh chitê 應允。 ² 福音有傳 hō 咱， tú 親像傳 hō in ê 全款；總是， in 所聽 ê 信息對 in 無利益，因為聽 ê 人無用信心來領受。 ³ 咱 chiahê 有信 ê 人， ē tàng 進入上主所賞賜 ê 安歇。 Tú 照祂所講 ê：

我 tī 受氣中 chiùchōa 講：

In 絕對 bē tàng 進入我 ê 安歇¹⁴。

其實， tùi 創世以來，上主 ê 工作已經完成。 ⁴ 關係「第七日」，經典有一个所在 áne 講：

Tī 第七日，

上主 soah 祂一切 ê 工作來安歇¹⁵。

⁵ 全 chit 項 tāichì 祂有 koh 講：

In 絕對 bē tàng 進入我 ê 安歇¹⁶。

⁶ Hiahê chìn 前聽 tiòh 福音 ê 人，因為 m̄ 順服，致使 bē tàng 進入安歇，所以上主 tòh 為其他 ê 人保留 chitê 安歇。 ⁷ 真久以後， tī 大衛 ê 冊有記載：上主 koh 另外設定一日，叫做「今 á 日」， tú 親像頂面所講 ê：

今 á 日 lín 若聽 tiòh 上主 ê 聲，

tòh m̄ thang 硬 lín ê 心¹⁷。

⁸ 約書亞若有 hō 人民得 tiòh 安歇，上主後來 tòh bē koh 講起別 ê 日子。 ⁹ Áne 看起來，上主有為祂 ê 子民保留一个安歇日 thang 安歇。 ¹⁰ 因為進入上主所賜安歇 ê 人， in mā ē soah in 一

¹⁴ SPh 95:11

¹⁵ CSK 2:2

¹⁶ SPh 95:11

¹⁷ SPh 95:7~8

¹⁴ 詩 95:11

¹⁵ 創 2:2

¹⁶ 詩 95:11

¹⁷ 詩 95:7~8

SiōngChú só sù anhiòh ê lâng, in mā ē soah in itchhè ê kangchok lâi anhiòh, tú chhinchhiūⁿ SiōngChú soah l ê kangchok kângkhoán. 11 Sǒi, lán tiòh chīnlék lâi chìnjip hitê anhiòh, biántit ũ lâng kintòe hiahê m̄ sìn ê lâng, tìsú poàhtó biàtbông.

12 SiōngChú ê òe sī oáh ê, koh sī ũ konghāu ê, pí itchhè ê siangbīn kiàm khah lâi, ē tàng chhì thàng, koh ē tàng phòakhui lâng ê lêng kah hūn, íkip koachat kah kutchhóe, sīmchì ē tàng phòanⁿtoàn lâng simlāi ê susióng kah lìām. 13 Sǒu ê pīchōbút, bô chít hāng ē tàng tùi SiōngChú únbat; bānmih lóng hiánlō tī l ê gánchiân; lán ê kiāⁿtáh lóng tiòh tùi l kautài chhengchó.

Tōachèsi lésu

14. Lán kijiân ũ chít ũi íkeng chiūⁿ thiⁿ ê úitāi ê tōachèsi, iā tòh sī SiōngChú ê Kiáⁿ lésu, lán tòh engkai kiansiú lán ê sìngióng kòpék. 15 Lán chit ũi tōachèsi, pēng m̄ sī bē théthiap lán ê loánjiók ê tōachèsi, khiok sī tī tàk hongbīn lóng kah lán kângkhoán, bat siūkòe chhìthàm, m̄ koh, l bô hoānchōe. 16 Sǒi, lán tiòh hótáⁿ lâi chiūkīn SiōngChú intián ê póchō, thang niásiū liánbín, koh tit tiòh intián, thang chò lán kipsi ê pangchān.

切 ê 工作來安歇，tú 親像上主 soah 祂 ê 工作全款。11 所以，咱 tiòh 盡力來進入 hitê 安歇，免得有人跟 tòe hiahê m̄ 信 ê 人，致使跋倒滅亡。

12 上主 ê 話是活 ê，koh 是有功效 ê，比一切 ê 雙面劍 khah 利，ē tàng 刺 thàng，koh ē tàng 破開人 ê 靈 kah 魂，以及關節 kah 骨髓，甚至 ē tàng 判斷人心內 ê 思想 kah 意念。13 所有 ê 被造物，無一項 ē tàng 對上主隱密；萬物 lóng 顯露 tī 祂 ê 眼前；咱 ê 行踏 lóng tiòh 對祂交帶清楚。

大祭司耶穌

14. 咱既然有一位已經 chiūⁿ 天 ê 偉大 ê 大祭司，也 tòh 是上主 ê Kiáⁿ 耶穌，咱 tòh 應該堅守咱 ê 信仰告白。15 咱 chit 位大祭司，並 m̄ 是 bē 體貼咱 ê 軟弱 ê 大祭司，卻是 tī tàk 方面 lóng kah 咱全款，bat 受過試探，m̄ koh，祂無犯罪。16 所以，咱 tiòh 好膽來就近上主恩典 ê 寶座，thang 領受憐憫，koh 得 tiòh 恩典，thang 做咱及時 ê 幫贊。